

# Իրավական նորություններ

Մարտ 2021 թ.

PwC Արմենիայի իրավաբանական պրակտիկան  
Pravo.ru-300 International-ի կողմից ճանաչվել է  
որպես առաջատարներից մեկը Հայաստանում



# Բովանդակություն

|    |   |
|----|---|
| 1. | Լրացումներ և փոփոխություններ «Արհեստակցական միությունների մասին» ՀՀ օրենքում համաձայն 2021 թվականի հունվարի 19-ին ընդունված № ՀՕ-44-Ն ՀՀ օրենքի (ուժի մեջ է մտել 2021 թվականի փետրվարի 26-ին) .....4                    |
| 2. | Լրացում «Բաժնետիրական ընկերությունների մասին» ՀՀ օրենքում համաձայն 2021 թվականի հունվարի 19-ին ընդունված № ՀՕ-45-Ն ՀՀ օրենքի (ուժի մեջ է մտել 2021 թվականի փետրվարի 26-ին) .....5                                       |
| 3. | Լրացումներ և փոփոխություններ «Հիմնադրամների մասին» ՀՀ օրենքում համաձայն 2021 թվականի հունվարի 19-ին ընդունված № ՀՕ-43-Ն ՀՀ օրենքի (ուժի մեջ է մտել 2021 թվականի փետրվարի 26-ին) .....6                                  |
| 4. | Լրացումներ և փոփոխություններ «Սահմանափակ պատասխանատվությամբ ընկերությունների մասին» ՀՀ օրենքում համաձայն 2021 թվականի հունվարի 19-ին ընդունված № ՀՕ-46-Ն ՀՀ օրենքի (ուժի մեջ է մտել 2021 թվականի փետրվարի 26-ին) .....8 |

Հարգելի՛ գործընկերներ,

Ուրախ ենք ներկայացնել PwC Արմենիայի 2021թ. մարտ ամսվա իրավական նորությունները: Մեր պատրաստած իրավական նորությունները վերաբերում են Հայաստանի Հանրապետության օրենսդրության փոփոխություններին, որոնք ուժի մեջ են մտել 2021թ. փետրվարին: Փոփոխությունները հիմնականում վերաբերում են կորպորատիվ օրենսդրությանը (օրինակ՝ սահմանափակ պատասխանատվությամբ ընկերությունների վերակազմակերպման ձևերին և ընթացակարգերին) և որոշ ընթացակարգային հարցերի (արհեստակցական միությունների, հիմնադրամների և այլն): Հուսով ենք, որ իրավական նորությունները օգտակար կլինեն ձեզ համար: Մանրամասների համար խնդրում ենք դիմել մեզ՝ PwC Արմենիա, սույն փաստաթղթի վերջում նշված կոնտակտային տվյալներով:



# 1. Լրացումներ և փոփոխություններ «Արհեստակցական միությունների մասին» ՀՀ օրենքում համաձայն 2021 թվականի հունվարի 19-ին ընդունված N<sup>o</sup> ՀՕ-44-Ն ՀՀ օրենքի (ուժի մեջ է մտել 2021 թվականի փետրվարի 26-ին)

## Օրենքի 9.1 հոդվածում լրացումներ և փոփոխություններ

### Հոդված 9.1, 3-րդ մաս (փոփոխություն)

(սույն հոդվածի նախորդ  
խմբագրությունը սահմանում  
էր 30-օրյա ժամկետ)

Պետական գրանցման մարմինը արհեստակցական միության գրանցման  
մասին դիմումն ու պահանջվող փաստաթղթերը ստանալուց հետո՝ **10  
աշխատանքային օրվա** ընթացքում, պարտավոր է քննարկել դիմումը և  
գրանցել արհեստակցական միությունը կամ համապատասխան  
հիմնավորումներով մերժել արհեստակցական միության գրանցումը:  
Արհեստակցական միության պետական գրանցումը կարող է մերժվել  
օրենքով սահմանված կարգով և դեպքում:

### Հոդված 9.1, լրացնել 4-րդ մասով հետևյալ բովանդակությամբ

Պետական գրանցման մարմինը արհեստակցական միության փոփոխության  
գրանցման մասին դիմումն ու պահանջվող փաստաթղթերն ստանալուց  
հետո՝ 10 աշխատանքային օրվա ընթացքում, պարտավոր է քննարկել  
դիմումը և գրանցել արհեստակցական միության փոփոխությունը կամ  
համապատասխան հիմնավորումներով մերժել արհեստակցական միության  
փոփոխության գրանցումը: Արհեստակցական միության փոփոխության  
պետական գրանցումը կարող է մերժվել օրենքով սահմանված կարգով և  
դեպքում:



## 2. Լրացում «Բաժնետիրական ընկերությունների մասին» ՀՀ օրենքում համաձայն 2021 թվականի հունվարի 19-ին ընդունված N<sup>o</sup> ՀՕ-45-Ն ՀՀ օրենքի (ուժի մեջ է մտել 2021 թվականի փետրվարի 26-ին)

### Լրացում օրենքի 26-րդ հոդվածի 3-րդ մասում

#### Հոդված 26, 3-րդ մաս (լրացում)

Վերակազմակերպման միջոցով ստեղծվող կամ միացման հետևանքով ընդլայնվող ընկերության բաժնետոմսերը (բաժնեմասերը) փոխարկման եղանակով համամասնորեն տեղաբաշխվում են վերակազմակերպման մասին որոշումն ընդունելու պահին այդ որոշումն ընդունած իրավաբանական անձանց բոլոր մասնակիցների միջև՝ բաժնետոմսերի շուկայական արժեքով (**վերակազմակերպման մասին որոշմամբ սահմանված օրվա դրույթամբ**): Ընդ որում, փոխարկման հարաբերակցությունը պետք է նույնը լինի տվյալ տեսակի (դասի) յուրաքանչյուր բաժնետոմսի (բաժնեմասի) համար: Եթե վերակազմակերպվող ընկերություններից որևէ մեկի միևնույն տեսակի (դասի) արժեթղթերի սեփականատերերի քանակը 50 կամ ավելի է, ապա վերակազմակերպվող յուրաքանչյուր ընկերության արժեթղթերի շուկայական արժեքի սահմանում պարտադիր է անկախ գնահատողի կողմից:



### 3. Լրացումներ և փոփոխություններ «Հիմնադրամների մասին» ՀՀ օրենքում համաձայն 2021 թվականի հունվարի 19-ին ընդունված N<sup>o</sup> ՀՕ-43-Ն ՀՀ օրենքի (ուժի մեջ է մտել 2021 թվականի փետրվարի 26-ին)

#### Հոդված 5-րդ, 3.1 մաս

#### Ուժը կորցրած ճանաչել:

Հիմնադրամի անվանման մեջ «հայ» կամ «Հայաստան» բառերը, այդ բառերի հոլովածները և դրանց թարգմանությունները, ինչպես նաև ժառանգ չունենալու դեպքում մահացած հանրահայտ անձի անունը կարող են օգտագործվել Հայաստանի Հանրապետության կառավարության սահմանած կարգով:

#### Հոդված 13-րդ, 1-ին մաս, 2-րդ կետ շարադրել հետևյալ խմբագրությամբ

Հիմնադրամը հիմնադրելու մասին որոշում կայացնելիս հիմնադիրները պետք է միաձայն՝ նշանակեն **հիմնադրամի գործադիր մարմնի ղեկավարին (այսուհետ՝ կառավարիչ)** կամ գործադիր մարմնի ղեկավարի ժամանակավոր պաշտոնակատարին (այսուհետ՝ ժամանակավոր կառավարիչ):

#### Հոդված 16-րդ, 2-րդ մաս, 1-ին կետ (լրացում)

Հիմնադրամը պետական գրանցման համար, հիմնադրամի հիմնադրման մասին որոշման կայացման օրվանից ոչ ուշ, քան 2 ամսվա ընթացքում, իրավաբանական անձանց պետական ռեգիստր է ներկայացնում՝ դիմում պետական գրանցման մասին, ստորագրված՝ հիմնադրամի **կառավարչի կամ** ժամանակավոր կառավարչի կողմից:

#### Հոդված 17-րդ, 1-ին մաս (փոփոխություն) (սույն հոդվածի նախորդ խմբագրությունը սահմանում էր 15-օրյա ժամկետ)

Իրավաբանական անձանց պետական ռեգիստր անհրաժեշտ բոլոր փաստաթղթերը ներկայացնելուց և նույն օրը փաստաթղթերի ընդունման մատյանում գրառում կատարելուց հետո՝ ոչ ուշ, քան **10 աշխատանքային օրվա** ընթացքում, իրավաբանական անձանց պետական ռեգիստրը պետք է կատարի դրանց պետական գրանցում:



**Չողված 27-րդ, 2-րդ մաս**

Չանել հետևյալ նախադասությունը.

Կառավարչին պաշտոնում առաջին անգամ նշանակում կարող է կատարել նաև հիմնադիրը:

**Չողված 28-րդ, 1-ին մաս**

**(փոփոխություն)**

(սույն հոդվածի նախորդ խմբագրությունը սահմանում էր, որ նիստի արձանագրությունը ստորագրում են տվյալ նիստին մասնակցող հիմնադրամի մարմնի բոլոր անդամները):

Չիմնադրամի մարմինների նիստերն արձանագրվում են: Արձանագրությունը ստորագրում են **հիմնադրամի մարմնի նախագահը և տվյալ նիստի քարտուղարը:**

**Չողված 28-րդ, 1-ին մաս, լրացնել հետևյալ բովանդակությամբ նոր նախադասությունով**

Չիմնադրամի մարմնի նախագահը պատասխանատվություն է կրում նիստի արձանագրությունում առկա տեղեկությունների հավաստիության համար:

**Չողված 28-րդ, 4-րդ մաս, լրացնել հետևյալ բովանդակությամբ նոր նախադասությունով**

Քաղվածքի համապատասխանությունն արձանագրությանը հավաստում է հիմնադրամի մարմնի նախագահը կամ կառավարիչը

**Չողված 28-րդ, լրացնել 5-րդ մասով հետևյալ բովանդակությամբ**

Չիմնադրամի հոգաբարձուների խորհրդի որոշումներն ստորագրում է հիմնադրամի հոգաբարձուների խորհրդի նախագահը:



## 4. Լրացումներ և փոփոխություններ «Սահմանափակ պատասխանատվությամբ ընկերությունների մասին» ՀՀ օրենքում (այսուհետ՝ «Օրենք») համաձայն 2021 թվականի հունվարի 19-ին ընդունված N<sup>o</sup> ՀՕ- 46-Ն ՀՀ օրենքի (ուժի մեջ է մտել 2021 թվականի փետրվարի 26-ին)

### **40-րդ հոդված, 5-րդ մաս, շարադրել հետևյալ խմբագրությամբ.**

(սույն հոդվածի նոր  
խմբագրությունը, ի  
տարբերություն նախորդի,  
սահմանում է ձայների  
տարբեր քանակ՝ սույն  
Օրենքի 36-րդ հոդվածի 2-րդ  
կետի «բ» և «ժ»  
ենթակետերում նշված  
հարցերի վերաբերյալ  
որոշում ընդունելիս)

Ընդհանուր ժողովն իրավագոր է, եթե դրան մասնակցում են ընկերության  
մասնակիցների ձայների ընդհանուր թվի կեսից ավելին տնօրինող  
մասնակիցները:

Ընդհանուր ժողովի որոշումներն ընդունվում են ընկերության մասնակիցների  
ձայների ընդհանուր թվի մեծամասնությամբ, եթե սույն օրենքով կամ  
ընկերության կանոնադրությամբ տվյալ որոշման ընդունման համար  
նախատեսված չէ ձայների ավելի մեծ քանակ:

Սույն Օրենքի 36-րդ հոդվածի 2-րդ կետի «բ» ենթակետում նշված հարցերի  
վերաբերյալ որոշումներն ընդունվում են ընկերության մասնակիցների  
ձայների ընդհանուր թվի առնվազն երկու երրորդի մեծամասնությամբ, եթե  
ընկերության կանոնադրությամբ տվյալ որոշման ընդունման համար  
նախատեսված չէ ձայների ավելի մեծ քանակ:

*36-րդ հոդված, 2-րդ կետ, «բ» ենթակետ - ընկերության կանոնադրության և  
ընկերության կանոնադրական կապիտալի չափի փոփոխումը.*

Սույն Օրենքի 36-րդ հոդվածի 2-րդ կետի «ժ» ենթակետում նշված հարցերի  
վերաբերյալ որոշումներն ընդունվում են ընկերության մասնակիցների  
միաձայն որոշմամբ:

*36-րդ հոդված, 2-րդ կետ, «ժ» ենթակետ - ընկերության վերակազմակերպման  
և լուծարման մասին որոշումն ընդունելը.*

### **50-րդ հոդված, շարադրել հետևյալ խմբագրությամբ.**

(սույն հոդվածի նոր  
խմբագրությունը  
պարունակում է  
բաժնետիրական  
ընկերությունների մասին  
օրենքով սահմանված  
նմանատիպ դրույթներ (18-րդ  
հոդված))

1. Ընկերության վերակազմակերպումը (միաձուլումը, միացումը, բաժանումը,  
առանձնացումը, վերակազմավորումը) կատարվում է ընդհանուր ժողովի  
որոշմամբ:

2. Օրենքով նախատեսված դեպքերում ընկերության բաժանման կամ նրա  
կազմից մեկ կամ մի քանի իրավաբանական անձանց առանձնացման ձևով  
ընկերության վերակազմակերպումն իրականացվում է դատարանի վճռով:  
Օրենքով նախատեսված դեպքերում ընկերության միաձուլման կամ միացման  
ձևով վերակազմակերպումը կարող է իրականացվել միայն լիազորված  
մարմնի թույլտվությամբ:





3. Ընկերությունը, բացառությամբ միացման ձևով վերակազմակերպման դեպքի, վերակազմակերպված է համարվում նոր ստեղծված իրավաբանական անձանց պետական գրանցման պահից:

Ընկերությունն այլ ընկերության հետ միացման ձևով վերակազմակերպվելիս վերակազմակերպված են համարվում միացող ընկերության գործունեությունը դադարելու վերաբերյալ պետական գրանցման պահից:

4. Ընկերության վերակազմակերպման մասին որոշումն ընդունելուց հետո՝ 30 օրվա ընթացքում, ընկերությունը պարտավոր է այդ մասին գրավոր ծանուցել իր բոլոր պարտատերերին: Ծանուցումը պետք է պարունակի տեղեկություններ վերակազմակերպման մասին որոշումն ընդունելու տարվա, ամսվա, ամսաթվի, վերակազմակերպման ձևի և մասնակիցների, ինչպես նաև ընկերության պարտավորությունների իրավահաջորդության մասին:

5. Վերակազմակերպվող ընկերության պարտատերն իրավունք ունի ընկերությունից պահանջելու պարտավորությունների կատարման լրացուցիչ երաշխիքներ, պարտավորությունների դադարեցում կամ վաղաժամկետ կատարում, ինչպես նաև վստահների հատուցում գրավոր ծանուցմամբ հետևյալ ժամկետներում.

ա) միաձուլման, միացման կամ վերակազմավորման ձևով վերակազմակերպման մասին ծանուցման պահից 30 օրվա ընթացքում.

բ) բաժանման կամ առանձնացման ձևով վերակազմակերպման մասին ծանուցման պահից 60 օրվա ընթացքում:

## **Օրենքը լրացնել հետևյալ բովանդակությամբ 50.1 - 50.9 հոդվածներով (Օրենքի նախորդ խմբագրությունը չէր պարունակում նմանատիպ դրույթներ վերակազմակերպման ձևերի վերաբերյալ)**

### **Հոդված 50.1 Ընկերությունների միաձուլումը**

1. Ընկերությունների միաձուլում է համարվում նոր ընկերության ստեղծումը՝ նրան երկու կամ ավելի միաձուլվող ընկերությունների իրավունքների և պարտականությունների փոխանցմամբ և միաձուլվող ընկերությունների դադարմամբ:

2. Միաձուլվող ընկերությունները կնքում են միաձուլման մասին պայմանագիր: Միաձուլման ձևով վերակազմակերպման մասին որոշումը պետք է ընդունվի յուրաքանչյուր միաձուլվող ընկերության ժողովում, որը պետք է հաստատի նաև միաձուլման պայմանագիրը, փոխանցման ակտը, միաձուլման կարգն ու պայմանները, ինչպես նաև միաձուլվող յուրաքանչյուր ընկերության մասնակիցների բաժնեմասերի և այլ արժեթղթերի փոխարկման կարգը նոր ստեղծվող իրավաբանական անձի բաժնեմասերի և (կամ) այլ արժեթղթերի:

3. Միաձուլմանը մասնակցող ընկերությունների մասնակիցների համատեղ ընդհանուր ժողովը համարվում է միաձուլման արդյունքում ստեղծվող իրավաբանական անձի հիմնադիր ժողով, որը հրավիրվում է միաձուլման պայմանագրում նշված մարմնի կողմից և ժամկետներում: Միաձուլման արդյունքում ստեղծվող իրավաբանական անձի կանոնադրությունը հաստատվում է նոր ստեղծվող իրավաբանական անձի հիմնադիր ժողովում, որը որոշումներ է ընդունում նաև ընդհանուր ժողովի իրավասությանը վերաբերող այլ հարցերի վերաբերյալ:



4. Ընկերությունների միաձուլման դեպքում դրանցից յուրաքանչյուրի իրավունքները և պարտականությունները փոխանցվում են նոր ստեղծված իրավաբանական անձին՝ փոխանցման ակտին համապատասխան:

5. Միաձուլմամբ պայմանավորված պետական գրանցումների կատարման նպատակով միաձուլման պայմանագիրը, փոխանցման ակտերը և օրենքով սահմանված մյուս անհրաժեշտ փաստաթղթերը ներկայացվում են իրավաբանական անձանց պետական գրանցումն իրականացնող մարմին:

**Չողված 50.2  
Ընկերությունների  
միացումը**

1. Ընկերությունների միացում է համարվում մեկ կամ մի քանի ընկերությունների դադարումը՝ դրանց իրավունքների և պարտականությունների փոխանցմամբ այլ ընկերության:

2. Միացմանը մասնակցող ընկերությունները կնքում են միացման մասին պայմանագիր: Միացման ձևով վերակազմակերպման մասին որոշումը պետք է ընդունվի յուրաքանչյուր միացող ընկերության ժողովում, որը պետք է հաստատի նաև միացման պայմանագիրը, փոխանցման ակտը, միացման կարգն ու պայմանները, ինչպես նաև միացող յուրաքանչյուր ընկերության մասնակիցների բաժնեմասերի և այլ արժեթղթերի փոխարկման կարգն այն ընկերության բաժնեմասերի և (կամ) այլ արժեթղթերի, որին միանում են:

3. Միացման հետևանքով ընդլայնված ընկերության մասնակիցների (միացմանը մասնակցող ընկերությունների մասնակիցների համատեղ) ընդհանուր ժողովը որոշումներ է ընդունում միացման հետևանքով ընդլայնված ընկերության կանոնադրության մեջ անհրաժեշտ (վերակազմակերպմամբ պայմանավորված) փոփոխություններ և լրացումներ կատարելու, կանոնադրության փոփոխությունը կամ նոր խմբագրությամբ կանոնադրությունը, միացման պայմանագիրը և փոխանցման ակտը հաստատելու մասին, իսկ անհրաժեշտության դեպքում նաև այլ հարցերով:

4. Ընկերությունների միացման դեպքում միացած ընկերություններից յուրաքանչյուրի իրավունքները և պարտականությունները փոխանցվում են միացման հետևանքով ընդլայնված ընկերությանը՝ փոխանցման ակտին համապատասխան:

5. Միացմամբ պայմանավորված պետական գրանցումների կատարման նպատակով միացման պայմանագիրը (պայմանագրերը), փոխանցման ակտը (ակտերը) և օրենքով սահմանված մյուս անհրաժեշտ փաստաթղթերը ներկայացվում են իրավաբանական անձանց պետական գրանցումն իրականացնող մարմին:

**Չողված 50.3  
Ընկերությունների  
բաժանումը**

1. Ընկերության բաժանում է համարվում ընկերության դադարումը՝ նրա բոլոր իրավունքների և պարտականությունների՝ նոր ստեղծվող իրավաբանական անձանց փոխանցմամբ:

2. Բաժանման մասին որոշումը պետք է ընդունվի բաժանվող ընկերության ընդհանուր ժողովում, որը պետք է հաստատի նաև բաժանման կարգը և պայմանները, բաժանիչ հաշվեկշիռը, ինչպես նաև բաժանվող ընկերության մասնակիցների բաժնեմասերի և այլ արժեթղթերի փոխարկման կարգը նոր ստեղծվող իրավաբանական անձանց բաժնեմասերի և (կամ) այլ արժեթղթերի:



3. Բաժանման արդյունքում ստեղծվող իրավաբանական անձանց կանոնադրությունները հաստատվում են այդ իրավաբանական անձանց հիմնադիր ժողովներում, որտեղ որոշումներ են ընդունվում նաև ընդհանուր ժողովի իրավասությանը վերաբերող այլ հարցերի վերաբերյալ:

4. Ընկերության բաժանման դեպքում նրա իրավունքները և պարտականությունները փոխանցվում են նոր ստեղծված իրավաբանական անձանց՝ բաժանիչ հաշվեկշիռն համապատասխան:

5. Բաժանմամբ պայմանավորված պետական գրանցումների կատարման նպատակով բաժանիչ հաշվեկշիռը և օրենքով սահմանված մյուս անհրաժեշտ փաստաթղթերը ներկայացվում են իրավաբանական անձանց պետական գրանցումն իրականացնող մարմին:

**Հոդված 50.4  
Ընկերության  
առանձնացումը**

1. Ընկերության առանձնացում է համարվում նոր իրավաբանական անձի (անձանց) ստեղծումը՝ նրան (նրանց) վերակազմակերպվող ընկերության իրավունքների և պարտականությունների մի մասի փոխանցմամբ՝ առանց վերակազմակերպվող ընկերության դադարման:

2. Առանձնացման մասին որոշումը պետք է ընդունվի վերակազմակերպվող ընկերության ընդհանուր ժողովում, որը պետք է հաստատի նաև առանձնացման կարգը և պայմանները, բաժանիչ (առանձնացման) հաշվեկշիռը, ինչպես նաև վերակազմակերպվող ընկերության մասնակիցների բաժնեմասերի և այլ արժեթղթերի փոխարկման կարգը նոր ստեղծվող իրավաբանական անձանց բաժնեմասերի և (կամ) այլ արժեթղթերի:

3. Առանձնացման արդյունքում ստեղծվող իրավաբանական անձանց կանոնադրությունները հաստատվում են այդ իրավաբանական անձանց հիմնադիր ժողովներում, որտեղ որոշումներ են ընդունվում նաև ընդհանուր ժողովի իրավասությանը վերաբերող այլ հարցերի վերաբերյալ:

4. Ընկերության առանձնացման դեպքում նրա իրավունքների և պարտականությունների մի մասը փոխանցվում է նոր ստեղծված իրավաբանական անձանց՝ բաժանիչ (առանձնացման) հաշվեկշիռն համապատասխան:


5. Առանձնացմամբ պայմանավորված պետական գրանցումների կատարման նպատակով բաժանիչ (առանձնացման) հաշվեկշիռը և օրենքով սահմանված մյուս անհրաժեշտ փաստաթղթերը ներկայացվում են իրավաբանական անձանց պետական գրանցումն իրականացնող մարմին:

**Հոդված 50.5  
Ընկերության  
վերակազմավորումը**

1. Ընկերության վերակազմավորում է համարվում նրա կազմակերպական-իրավական ձևի փոփոխությունը:

2. Ընկերությունը կարող է վերակազմավորվել բաժնետիրական ընկերության կամ առևտրային կոոպերատիվի:

3. Վերակազմավորման մասին որոշումը պետք է ընդունվի վերակազմավորման ձևով վերակազմակերպվող ընկերության ընդհանուր ժողովում, որը պետք է հաստատի վերակազմավորման կարգը և պայմանները, վերակազմավորման ձևով վերակազմակերպվող ընկերության մասնակիցների բաժնեմասերի և այլ արժեթղթերի փոխարկման կարգը նոր ստեղծվող իրավաբանական անձի (բաժնետոմսերի, փայերի) և (կամ) այլ արժեթղթերի, ինչպես նաև փոխանցման ակտը:



4. Վերակազմավորման արդյունքում ստեղծվող իրավաբանական անձի կանոնադրությունը հաստատվում է նոր ստեղծվող իրավաբանական անձի հիմնադիր ժողովում, որը որոշումներ է ընդունում՝ նաև ընդհանուր ժողովի իրավասությանը վերաբերող այլ հարցերի վերաբերյալ:

5. Ընկերության վերակազմավորման դեպքում նրա իրավունքները և պարտականությունները փոխանցվում են նոր ստեղծված իրավաբանական անձին՝ փոխանցման ակտին համապատասխան:

6. Վերակազմավորմամբ պայմանավորված պետական գրանցումների կատարման նպատակով փոխանցման ակտը և օրենքով սահմանված մյուս անհրաժեշտ փաստաթղթերը ներկայացվում են իրավաբանական անձանց պետական գրանցումն իրականացնող մարմին:

**Չորված 50.6**  
**Միաձուլման (միացման)**  
**պայմանագիրը**

1. Սույն Օրենքի 50.1-ին և 50.2-րդ հոդվածներով սահմանված կարգով հաստատված միաձուլման (միացման) պայմանագիրն օրենքով սահմանված այլ անհրաժեշտ փաստաթղթերի հետ միասին ներկայացվում է իրավաբանական անձանց պետական գրանցումն իրականացնող մարմին:

2. Միաձուլման (միացման) պայմանագիրը կնքվում է միաձուլմանը (միացմանը) մասնակցող ընկերությունների միջև, ստորագրում է ընկերության գործադիր մարմնի ղեկավարը և ենթակա է հաստատման նրանց ընդհանուր ժողովների կողմից:

Միաձուլման (միացման) պայմանագիրը պետք է բովանդակի՝  
ա) մասնակից կողմերի ֆիրմային անվանումը, գտնվելու վայրը, պետական գրանցման տվյալները.  
բ) միաձուլման (միացման) ժամկետները, կարգը և պայմանները.  
գ) միաձուլվող (միացող) ընկերության մասնակիցների բաժնեմասերի և այլ արժեթղթերի փոխարկման կարգը բանաձևային կամ այլ ստանդարտ ձևով.  
դ) միաձուլվող (միացվող) ընկերությունների մասնակիցների բաժնեմասերի դիմաց շահույթբաժիններ ստանալու կարգը և պայմանները.  
ե) համատեղ ժողովում քվեարկության կարգը.  
զ) միաձուլմանը (միացմանը) մասնակցող ընկերությունների համատեղ ժողովի գումարման ժամկետը, հրավիրման և անցկացման կարգը.  
է) այլ տեղեկություններ՝ միաձուլմանը (միացմանը) մասնակցող կողմերի հայեցողությամբ:

**Չորված 50.7**  
**Փոխանցման ակտը և**  
**բաժանիչ հաշվեկշիռը**

1. Փոխանցման ակտը և բաժանիչ (առանձնացման) հաշվեկշիռը պետք է դրույթներ պարունակեն վերակազմակերպված ընկերության (ընկերությունների) գույքի և պարտատերերին ու պարտապաններին վերաբերող բոլոր պարտավորությունների իրավահաջորդության մասին, ներառյալ՝ վիճարկվող պարտավորությունները:

2. Բաժանիչ (առանձնացման) հաշվեկշիռը պետք է ապահովի վերակազմակերպվող ընկերության կանոնադրական կապիտալում նոր ստեղծվող իրավաբանական անձանց մասնակիցների բաժնեմասերին համապատասխանող գույքի և պարտավորությունների համամասնորեն բաշխումը՝ վերակազմակերպման հետևանքով ստեղծված իրավաբանական անձանց միջև:



3. Եթե բաժանիչ (առանձնացման) հաշվեկշիռը հնարավորություն չի տալիս որոշելու վերակազմակերպված ընկերության իրավահաջորդին, ապա վերակազմակերպման հետևանքով ստեղծված իրավաբանական անձինք վերակազմակերպված ընկերության պարտավորությունների համար նրա պարտատերերի առջև կրում են համապարտ պատասխանատվություն:

4. Կանոնադրությունների հետ միասին փոխանցման ակտը կամ բաժանիչ (առանձնացման) հաշվեկշիռը չներկայացնելը, ինչպես նաև դրանցում վերակազմակերպված ընկերության (ընկերությունների) գույքի և պարտավորությունների իրավահաջորդության մասին դրույթների բացակայությունը կամ գույքի և պարտավորությունների անհամամասնորեն բաշխումը հիմք են վերակազմակերպմամբ պայմանավորված պետական գրանցումների մերժման համար:

**Հոդված 50.8  
Մասնակիցների  
իրավունքները  
վերակազմակերպման  
դեպքում**

1. Վերակազմակերպման միջոցով ստեղծվող կամ միացման հետևանքով ընդլայնվող ընկերության մասնակիցների բաժնետոմսերը (բաժնետոմսերը) փոխարկման եղանակով համամասնորեն տեղաբաշխվում են վերակազմակերպման մասին որոշումն ընդունելու պահին այդ որոշումն ընդունած իրավաբանական անձանց բոլոր մասնակիցների միջև՝ բաժնետոմսերի շուկայական արժեքով (վերակազմակերպման մասին որոշմամբ սահմանված օրվա դրությամբ): Ընդ որում, փոխարկման հարաբերակցությունը պետք է նույնը լինի յուրաքանչյուր բաժնետոմսի (բաժնետոմսի) համար:


**Հոդված 50.9  
Ընկերության գույքի  
շուկայական արժեքի  
որոշման կարգը**

1. Գույքի շուկայական արժեք է համարվում, ներառյալ՝ ընկերության բաժնետոմսերի և այլ արժեթղթերի արժեքը, այն գինը, որով գույքի արժեքի մասին բոլոր անհրաժեշտ տեղեկություններ ունեցող և այն վաճառելու պարտավորություն չունեցող վաճառողը կհամաձայնեք վաճառել այդ գույքը, իսկ գույքի արժեքի մասին բոլոր անհրաժեշտ տեղեկություններ ունեցող և այն ձեռք բերելու պարտավորություն չունեցող գնորդը կհամաձայնեք այդ գույքը ձեռք բերել:

2. Գույքի շուկայական արժեքը սահմանվում է ընդհանուր ժողովի որոշմամբ:

3. Գույքի շուկայական արժեքը սահմանվում է՝ անկախ գնահատողի կողմից օրենքով սահմանված դեպքերում, ինչպես նաև ընդհանուր ժողովի որոշմամբ:

4. Ընկերության բաժնետոմսերի կամ այլ արժեթղթերի շուկայական արժեքի որոշման անհրաժեշտության դեպքում հաշվի են առնվում այդ բաժնետոմսերը ձեռք բերելու, ինչպես նաև առաջարկի և պահանջարկի գների վերաբերող և համապատասխան զանգվածային լրատվության միջոցներում պարբերաբար հրապարակվող տեղեկությունները: Ընկերության բաժնետոմսերի շուկայական արժեքի որոշման դեպքում անհրաժեշտ է հաշվի առնել ընկերության զուտ ակտիվների արժեքը, ինչպես նաև այն գինը, որն ընկերության բաժնետոմսերի համար համաձայն է վճարել ընկերության գույքի մասին լրիվ տեղեկություններ ունեցող գնորդը, ինչպես նաև այլ գործոններ, որոնք ընկերության գույքի շուկայական արժեքը սահմանող մարմինը (անձը) կհամարի կարևոր: Սույն կետով որոշվող բաժնետոմսերի շուկայական արժեքը չի կարող պակաս լինել այն գնից, որը հաշվարկվել է՝ ընկերության զուտ ակտիվների արժեքը հիմք ընդունելով:





Խնդրում ենք դիմել մեզ՝ PwC Արմենիա, Ձեր գործունեության վրա փոփոխությունների ազդեցությունն առավել մանրամասն քննարկելու համար:

**Ինգա Շահնազարովա**

Գործադիր գործընկեր  
Էլ. հասցե: [inga.shakhnazarova@pwc.com](mailto:inga.shakhnazarova@pwc.com)  
Հեռ.: + 7 906 7223537

**Ալեքսեյ Ռուսանով**

Տնօրեն  
Էլ. հասցե: [alexey.n.rusanov@pwc.com](mailto:alexey.n.rusanov@pwc.com)  
Հեռ.: + 374 99 93 20 65

**Հասմիկ Հարությունյան**

Մենեջեր, Հարկային և իրավաբանական ծառայություններ  
Էլ. հասցե: [hasmik.harutyunyan@pwc.com](mailto:hasmik.harutyunyan@pwc.com)  
Հեռ.: + 374 10 51 21 51

**Իվետա Իվանյան**

Ավագ խորհրդատու, Հարկային և իրավաբանական ծառայություններ  
Էլ. հասցե: [iveta.i.ivanyan@pwc.com](mailto:iveta.i.ivanyan@pwc.com)  
Հեռ.: + 374 10 51 21 51